

STATUT
I SHOQËRISE ME PËRGJEGJËSI TË KUFIZUAR
" THE PILATES LAB " Sh.p.k

Ortakët e shoqërisë " **THE PILATES LAB** " Sh.p.k. sot me datë 11.02.2022 kanë vendosur të përpilojnë Statutin e mëposhtem të një shoqërie me përgjegjësi të kufizuar (me poshtë "Shoqëria"), aktivitetet e secilës do të rregullohen nga legjislacioni shqiptar në fuqi, vecanërisht nga Ligji nr. 9901 datë 14.04.2008 "Për Tregëtarët e Shoqërite Tregëtare" i ndryshuar, Ligjit Nr. 9723, datë 03.05.2007 "Për Qendren Kombëtare të Regjistrimit".

KAPITULLI I
FORMA, EMËRTIMI, OBJETI, ZYRA QENDRORE, KOHEZGJATJA

Neni 1
Forma

Shoqëria " **THE PILATES LAB** " Sh.p.k në vijim "Shoqëria" krijohet në formën e një shoqërie me përgjegjësi të kufizuar dhe veprimtaria e saj rregullohet me anë të këtij Statuti dhe Aktit të Themelimit.

Shoqëria vepron sipas legjislacionit shqiptar në fuqi.

Akti i Themelimit dhe Statuti janë në përputhje me legjislacionin shqiptar, që ka karakter të detyrueshëm ndërsa çështjet që nuk janë shprehimisht të parashikuara në to, plotësohen nga legjislacioni shqiptar.

Neni 2
Emërtimi

Emërtimi i Shoqërisë është " **THE PILATES LAB** " Sh.p.k

Neni 3
Objekti i Shoqërisë

Shoqëria ka si objekt veprimtarie: Palester, Wellness Center; Qender sportive dhe përgatitje fizike në palester me programe pilates, aerobike, fitnesi, baleti, zumba etj, Veprimtari në fushën e mirëmbajtjes fizike, esketike dhe shëndetësore të trupit për të gjitha moshat, nëpërmjet makinerive të Fitnesit dhe ushtrimeve dhe kercimit, etj.

Import eksport dhe tregtim i pajisjeve për ushtrime fizike dhe i pajisjeve të tjera të të gjitha llojeve si dhe trajnimi për përdorimin e pajisjeve si dhe import- eksport dhe tregtim të të gjitha produkteve të tjera që lejohen në qarkullimin civil në vend.



Ne funksion te qellimeve te mesiperme Shoqeria mund te hyje ne tregje dhe operacione te ndryshme, te zoteroje pasuri te luajtshme e te paluajtshme dhe/ose pjesemarrje ne shoqeri te tjera tregtare

Si edhe te kryeje cdo veprimtari tjetër ekonomike që do të konsiderohet e nevojshme dhe e dobishme për realizimin e shoqërisë dhe që nuk bie ndesh me legjislacionin shqiptar në fuqi.

Neni 4 Zyra Qendrore

Zyra qëndore /Selia e shoqërise ne territorin e Republikes se Shqiperise eshte ne adresen **“Rruga e Elbasanit”, pallati nr.10/1, kodi postar 1010 Tirane** Shoqëria mund të zhvillojë veprimtarinë e saj ekonomike në të gjithë territorin e Shqipërisë si edhe jashtë saj duke hapur degë dhe/ose zyra përfaqësimi, filiale, agjenci etj. në qendra të tjera administrative në përputhje me legjislacionin e vendeve në të cilat ato hapen.

Neni 5 Kohëzgjatja

Shoqëria themelohet për një kohëzgjatje të pacaktuar duke filluar nga dita e regjistrimit të saj.

Neni 6 Rregjimi juridik i Shoqerise

Shoqëria udhëhiqet nga parimet e ekonomise së tregut dhe ka për qëllim fitimin. Ajo respekton parimin e reciprocitetit. Ajo është një shoqëri me përgjegjësi të kufizuar (SHPK). Veprimtaria e saj i nënshtrohet dispozitave të Aktit të Themelimit, Statuti si dhe dispozitave të legjislacionit në fuqi. Me vendim të Asamblese së Pergjithshme, Shoqëria mundet që të ndryshojë rregjimin juridik të saj në përputhje me dispozitat ligjore qe do të jenë në fuqi si dhe në perputhje të plotë me dispozitat e Aktit të Themelimit dhe të Statutit të saj, duke bërë edhe përshtatjen e tyre sipas ndryshimeve përkatëse. Shoqëria do të ketë vullen e saj.

Neni 7 Të drejtat dhe detyrimet e ortakëve

Ortakët mbajnë përgjegjësi për humbjet e shoqërise deri në pjesën e pashlyer të kontributeve të nënshkruara. Pasuritë e krijuara nga Shoqëria gjatë aktivitetit të saj janë në pronësi të Ortakëve themelues të shoqerise në përpjestim të drejte me kuotat qe zotërojnë.

Ato (pasuritë) mund te tjetërsohen, të jepen me qira, të lihen peng e hipotekë me miratimin e Ortakëve Ortakët japin kontributin në para apo në natyrë, sipas mënyrave dhe afateve të përcaktuara në statut. Ata pergjigjen ndaj shoqërise personalisht dhe ne mënyre solidare per demet e shkaktuara nga mospermbushje e ketyre detyrimeve apo nga permbushja e tyre pertej afateve perkatese. Personat pergjegjes per administrimin e shoqerise informojne ortaket per ecurine e veprimtarise se shoqerise tregtare, dhe me kerkesen e tyre, duhet t'u vene ne dispozicion llogarite vjetore, perfshire llogarite e konsoliduara, raportet per gjendjen dhe ecurine e veprimtarise se shoqerise tregtare, raportet e organeve drejtuese apo te eksperteve kontabel te autorizuar. Gjate ushtrimit te te drejtave, ortaket veprojne duke marre parasysh interesat e shoqerise. Ortaket respektojne detyrimet qe burojne nga Akti i Themelimit dhe Statuti.



Neni 8
Abuzimi i ortakeve ndaj shoqerise

Ortakët e shoqerise tregtare, qe kryejne nje apo me shume nga veprimet ose mosveprimet vijuese, pergjigjen personalisht e ne menyre solidare per detyrimet e shoqerise, me te gjithë pasurine e tij nese:

- a) Abuzojne ne formen e shoqerise tregtare per arritjen e qellimeve te paligjshme
- b) Trajtojne pasurite e shoqerise tregtare si te ishte pasuria e tij
- c) Ne castin qe kane marre apo duhet te kishin marre dijeni per gjendjen e paafetise paguese te shoqerise, nuk marrin masat e nevojshme, per te siguruar qe shoqeria, ne varesi te llojit te veprimtarise te ushtruar, te kete kapitale te mjaftueshme, per te permbushur detyrimet e marra persiper ndaj paleve te treta.

KAPITULLI II

KAPITALI THEMELTAR, KONTRIBUTET, NDARJA E PJESVE TE KAPITALIT

Neni 10
Kapitali Themeltar

Kapitali themeltar i shoqërisë është 100 lekë. Kapitali i shoqërisë ndahet ne dy kuota dhe pjesmarrja e ortakeve themelues ne kapitalin e shoqerise eshte si me poshte:

Ortaku Themelues Z.Burhan Yildirim, shtetas turk, i datëlindjes 03.11.1993 banues në Tiranë, person madhor me zotësi të plotë për te vepruar, mbajtës i letërnjoftimit nr.A03K80269 dhe nr.personal 12298052616 ka 1 kuotë të përbërë nga 50 (pesëdhjetë lekë), duke perfaqësuar 50 % (pesëdhjetë për qind) të kapitalit.

Ortaku Themelues Z. Bariş Kuş, shtetas turk, i datëlindjes 05.10.1994 , banues në Tiranë, person madhor me zotësi të plotë për te vepruar, mbajtëse i letërnjoftimit nr.A03R94265 dhe nr.personal 52402211300 ka 1 kuote të përbërë nga 50 (pesëdhjetë lekë), duke përfaqesuar 50 % (pesëdhjetë për qind) të kapitalit.

Neni 11
Rritja e Kapitalit Themeltar

Kapitali themeltar mund te rritet pa kufi ne çdo moment nje ose disa here, me vendim te asamblese se ortakeve, te cilet perfaqesojne te pakten $\frac{3}{4}$ (tri te katertat) e kapitalit te shoqerise.

Ne rast rritje te kapitalit dhe shoqeria ka me teper se nje ortak, te gjithë ortakët kane te drejte te nenshkruajne rritjen ne raport me pjeset e kapitalit te zoteruar. Ne rast se disa nga ortakët nuk e ushtrojne kete te drejte, pjeset e tyre mund te nenshkruhen nga ortakët e tjere proporcionalisht me pjesmarrjen respektive.



Neni 12

Zvogelimi i kapitalit themeltar

Shoqeria mund te zvogeloje kapitalin themeltar me vendim te Asamblese se Ortakeve, me voten pro te ortakeve qe zoterojne te pakten $\frac{3}{4}$ (tri te katertat) e kapitalit themeltar.

Zvogelimi i kapitalit perballohet nga secili prej ortakeve ne propocion me pjeset e kapitalit te zoteruara prej tyre.

Neni 13

Modalitete te perfitimit dhe transferimi i kapitalit

Kuotat e kapitalit te një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- d) dhurimit;
- e) çdo mënyre tjetër të parashikuar me ligj.

Pjesët e kapitalit themeltar janë lirisht të transferueshme ndërmjet ortakëve, për sa nuk parashikohet ndryshe ne statut. Pjesët e kapitalit themeltar janë lirisht të transferueshme me rrugë trashëgimie.

Neni 14

Transferimi i pjesve te kapitalit dhe e drejta e parablerjes

Kontrata e kalimit të kuotës bëhet me shkrim dhe vetëm me akt noterial dhe në bazë të formaliteteve të vendosura nga Administratorët. Kalimi i kuotës i njoftohet shoqërisë ne seline e saj ligjore.

Pjeset e kapitalit jane lirisht te transferueshme ndermjet ortakeve.

Ne rast transferimi te pjesve te kapitalit ne çdo lloj forme ne favor te personave te tjere nga ata te parashikuar me siper, duke perfshire dhe dhurimin, ortakët e tjere gezojne te drejten e parablerjes mbi keto pjese te kapitalit.

Ne nje rast te tille, ortaku qe do te transferoje pjeset e tij te kapitalit duhet ti njoftoje ortakët e tjere me leter rekomande me konfirmim marrje ne dorezim, mbi synimin per shitjen, çmimin kushtet, modalitetet, emrin e bleresit dhe afatet e transferimit. E drejta e parablerjes i referohet te gjitha pjeseve te ofruara per shitje.



Ortakët do të kenë në dispozicion 30 (tridhjetë) ditë nga marrja e letres rekomandë me konfirmim marrje në dorezim, për t'i komunikuar ortakut që transferon pjesët e kapitalit synimin e për të ushtruar ose jo të drejtën e parablerjes. Në rast se ata nuk përgjigjen në afat në caktuar, prezumohet se kanë hequr dorë nga e drejta e tyre e parablerjes.

Në rast se oferta pranohet nga disa ortakë pjesët e kapitalit të ofruar nga ortakët që transferon pjesët e kapitalit, do të ndahen nga ortakët pranues, në masë proporcionale me pjesët që ata zoterojnë, përveç rastit kur ka një marrëveshje të ndryshme ndërmjet palëve. Në asnjë rast, pranuesi i ofertës nuk mund të ushtrojë pjesërisht të drejtën e parablerjes.

Në rast se nuk ushtrohet e drejta e parablerjes, pjesët e kapitalit mund të transferohen të tereve sipas marrëveshjes së bere.

KAPITULLI III

ASAMBLEJA, ADMINISTRATORET DHE EKSPERTI KONTABEL

Neni 15

Asambleja e Përgjithshme dhe kompetencat e saj

Asambleja e Ortakëve është organi i vetëm vendimmarres i shoqërisë.

Asambleja e Ortakëve është organi i vetëm vendimmarres i shoqërisë që miraton çdo ndryshim të statutit sipas modaliteteve të përcaktuara në ligj.

Asambleja e përgjithshme e ortakëve është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorëve;
- d) emërimin e shkarkimin i likuiduesve dhe të ekspertëve kontabël të autorizuar;
- e) përcaktimin e shpërblimeve për personat e përmendur në shkronjat "c" dhe "ç" të kësaj pike;
- f) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecures së veprimtarisë;
- g) miratimin e pasqyrave financiare vjetore dhe të raporteve të ecures së veprimtarisë;
- h) zmadhimin dhe zvogëlimin e kapitalit;
- i) pjesëtimin e kuotave dhe anulimin e tyre;
- j) përfaqësimin e shoqërisë në gjykatë dhe në procedimet e tjera ndaj administratorëve;
- k) riorganizimin dhe prishjen e shoqërisë;
- l) miratimin e rregullave procedurale të mbledhjeve të asamblesë;
- m) çështje të tjera të parashikuara nga ligji apo statuti.



Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.

Administratori i shoqërisë nuk mund të veprojnë si përfaqësues i ortakëve në asamblenë e përgjithshme. Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.

Vendimet e marra nga asambleja, detyrojnë edhe ortakët që mungojnë ose kundërshtojnë, të cilët kanë të drejtën e ankimit sipas afateve dhe kushteve të parashikuara me ligj.

Neni 16

E drejta e pjesëmarrjes dhe e votes

Vota e ortakut vlen në raport me pjesën e kapitalit që zoteron.

Ortaku i cili është në vonese në likuidimin e kuotes së tij, për efekt të likuidimit të kontributit në shoqëri apo të rritjes së kapitalit themeltar, nuk mund të marrë pjesë në vendim-marrjen e shoqërisë.

Çdo ortak ka të drejtë të përfaqësohet nga një person tjetër jo-ortak, i pajisur me prokurë me shkrim, prokurë kjo e cila duhet të ruhet nga shoqëria.

Prokura mund të jepet vetëm për një mbledhje asambleje. Prokura ka efekt edhe për mbledhjen e asamblese, që kanë të njëjtin rend dite.

Përfaqësimi nuk mund t'i jepet administratorit, ekspertit kontabel apo revizoreve të emeruar.

Neni 17

Thirrja e Asamblese

Asambleja e ortakëve thirret të paktën një herë në vit, brenda 6 (gjashtë) muajve nga mbyllja e vitit financiar për miratimin e bilancit, të raportit të Administratorit dhe/ose ekspertit kontabel si dhe inventarit.

Asambleja mund të thirren në çdo moment nga një prej Administratoreve, ose nga eksperti kontabel (nese është emeruar), ose nga likuidatori/likuidatoret, si dhe prej një ose nga ortakët që përfaqësojnë të paktën 5% (pese përqind) të kapitalit themeltar.

Asambleja duhet të thirret nepermjet njoftimit me leter rekomande ose në mënyrë elektronike, që duhet të dërgohet ortakëve në adresën që rezulton e deklaruar në shoqëri të paktën 15 (pesëmbëdhjetë) ditë para ditës së caktuar për Mbledhjen.

Njoftimi duhet të përmbajë informacionin mbi mbledhjen, mbi rendin e ditës që do të trajtohet dhe për të cilat do të merret vendimi, mbi vendin, orën dhe datën e mbledhjes.

Asambleja do të thirret dhe mbledhet rregullisht dhe pa respektimin e formaliteteve të njoftimit, në rast se janë të pranishëm ortakët që përfaqësojnë të paktën kapitalin themeltar dhe nuk janë kundër kësaj parregullsie.



Neni 18

Zhvillimi i mbledhjeve te asamblese

Mbledhja e asamblese do te drejtohet nga administratori dhe ne rast te mungeses se tij ose te ndonje pengese, nga personi i emeruar nga asambleja.

Vendimet e asamblese do te fiksohen ne procesverbalet qe do te mbahen nga Kryetari dhe Sekretari i mbledhjes, te percaktuar nga asambleja.

Kryetari i mbledhjes ka detyren per te konstatuar mbledhjen e rregullt te asamblese, te sigurohet per identitetin dhe legjitiminin e personave present, te drejtoje dhe rregulloje zhvillimin e mbledhjes dhe te sigurohet dhe paraqese rezultatet e votimit.

Mbledhja e asamblese mund te zhvillohet edhe ne vende te ndryshme, me lidhje audio ose video dhe kjo do te realizohet ne kushtet e meposhtme, te cilat duhet te permenden ne procesverbalin e mbledhjes:

- Te jene prezent ne te njejtin vend, kryetari dhe sekretari i mbledhjes, te cilet do te kujdesen per formen dhe nenshkrimin e procesverbalit.
- T'i lejohet kryetarit te mbledhjes qe te sigurohet per identitetin dhe legjitimimin e pjesmarresve, te organizoje zhvillimin e mbledhjes, te konstatoje dhe paraqese rezultatet e votimit.
- T'i lejohet personit qe mban procesverbalin per te perceptuar saktesisht veprimet e asamblese, te cilat duhet te regjistrohen
- T'i lejohet pjesemarresve qe te nderhyjne ne diskutim dhe votim mbi argumentat e rendit te dites, si dhe te shikojne, te marrin dhe te transmetojne dokumenta.
- Te jene percaktuar ne njoftimin e mbledhjes se asamblese, vendet audio dhe video te lidhura nen kujdesin e shoqerise, ne te cilat pjesemarresit mund te nderhyjne, duke quajtur se mbledhja eshte zhvilluar ne vendin ku ndodhen kryetari dhe sekretari, nese jane emeruar te tille.

Ne te gjitha vendet me lidhje audio dhe/ose video, ne te cilat do te mbahet mbledhja, duhet te vihet ne dispozicion fleta e prezences ne mbledhje.

Neni 19


Kuorumi dhe shumica per vendimarrja

Asambleja e ortakeve vendos me voten e ortakeve qe perfaqesojne te pakten $\frac{3}{4}$ e kapitalit te shoqerise, ne rast te marrjes se vendimeve me shumice te cilesuar. Ne kete rast, duhet te jene prezent ne mbledhje, ose te votojne nepermjet mjeteve elektronike/shkrese, ortaket qe zoterojne me shume se numrin total te votave.

Asambleja e ortakeve vendos me shumice te cilesuar:

- a) Ndryshimet ne statut.
- b) Rritje dhe zvogelim te kapitalit
- c) Shperndarjen e fitimeve
- d) Prishjen e shoqerise.

Asambleja e ortakeve vendos me shumicen e votave, te ortakeve prezent, per vendimarrje qe kerkojne nje shumice te zakonshme.

 7

Ne kete rast, duhet te jene prezent ne mbledhje, ortaket qe perfaqesojne me shume se 30% (tridhjetë per qind) te kuotave te shoqerise. Asambleja e ortakeve vendos me shumice te zakonshme, per te gjitha vendimet qe nuk kerkojne shumice te cilesuar.

Neni 20 **Administrimi**

Asambleja e Pergjithshme emeron nje ose me shume persona fizike si administratore te shoqerise. Afati i emerimit, nuk mund te jete me i gjate se 5 vjet, me te drejte ripërteritje.

Administratori do te ushtroje te gjitha kompetencat e parashikuara nga ligji, pervec atyre qe jane shprehimisht te perjashtuara apo per te cilat duhet miratimi paraprak nga asambleja e pergjithshme.

Z.Burhan Yildirim, shtetas turk, i datëlindjes 03.11.1993 banues në Tiranë, person madhor me zotësi të plotë për te vepruar, mbajtës i letërnjoftimit nr.A03K80269 dhe nr.personal 12298052616 caktohet si administratore e pare e shoqerise per nje afat 5 vjecar.

Neni 21 **Kompetencat e administratoreve**

Kompetencat e Administratorëve


Administratorët kanë të drejtë e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
- d) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- e) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- f) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- g) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

Ne pergjithesi administratori i shoqerise do te kete te drejte dhe kompetence te realizoje te gjitha veprimet per administrimin e zakonshem dhe te jashtezakonshem te shoqerise.

Administratoret janë te detyruar te thërrasin Asamblenë e Pergjitheshme, në rastet kur

- sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 2 për qind të aseteve të shoqërisë, që rezulton në pasqyrat e fundit financiare të certifikuara.
- shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 2 për qind të aseteve të shoqërisë, që rezulton në pasqyrat e fundit financiare të certifikuara.



Nëse asambleja e përgjithshme emëron më shumë se një administrator, ata e administrojnë bashkërisht shoqërinë.

Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

Neni 22

Përgjegjësitë e Administratorit

Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pamiratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Per Tregtare dhe Shoqërite Tregtare", administratori detyrohet:

1. a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;

b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;

c) të vlerësojë me përgjegjësi çështjet, për të cilat merret vendim;

d) të parandalojë dhe mënjanojë rastet e konfliktit, prezent apo të mundshëm, të interesave personalë me ata të shoqërisë;

e) të ushtrojë detyrat e tij me profesionalizmin dhe kujdesin e nevojshëm.

2. Administratori, gjatë kryerjes së detyrave të tij, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

3. Nëse administratori vepron në kundërshtim me detyrat dhe shkel standardet profesionale, sipas pikave 1 e 2 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.

Shpërblimi

Neni 23-

Shpërblimi

Shpërblimit bazë të administratorëve mund t'i bëhen shtesa, që mund të jenë përqindje në fitim ose të ngjashme. Shpërblimet e administratorëve përcaktohen me vendim të zakonshëm të asamblesë së përgjithshme.

Shpërblimi, sipas pikës 1 të këtij neni, duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.

Nëse shoqëria është në vështirësi financiare, asambleja e përgjithshme mund të vendosë reduktimin e shpërblimit të administratorëve në masën e përshtatshme.

Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore



Neni 24

Eksperti Kontabel i Autorizuar

Ne rast se kerkohet nga ligji apo vendoset nga Asambleja e Pergjithshme, kontrolli i bilanceve dhe i librave kontabel te Shoqerise mund ti besohet nje eksperti kontabel te autorizuar, emeruar per 1 (nje) vit.

Eksperti kontabel i autorizuar mund te shkarkohet ne çdo moment sipas menyrove te percaktuara nga legjislacioni ne fuqi.

KAPITULLI IV

VITI FINANCIAR, BILANCI VJETOR,

Neni 25

Viti financiar dhe bilanci vjetor

Viti financiar i Shoqerise fillon me 1 Janar dhe perfundon me 31 Dhjetor. Perjashtimisht, viti i pare financiar fillon nga data e regjistrimit te shoqerise ne Qendren Kombetare te Regjistrimit dhe mbyllet me 31 Dhjetor.

KAPITULLI V

SHPERBERJA DHE LIKUIDIMIN I SHOQERISE

Neni 26

Prishja

Shoqeria priset me ane te nje vendimi te Asamblese se Pergjithshme, me shumicen e kerkuar per ndryshimet e statutit te shoqerise apo nga menytrat e tjera te parashikuara nga ligji.

Neni 27

Likuidimi

Ne rast te prishjes Shoqeria do te hape procedurat e likuidimit.

Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.

Per te administruar kete procedure, Asambleja e ortakeve do te emeroje nje ose me shume Likuidatore, te cilet paraqesin raportet perfundimtare mbi gjendjen e aktivitetit apo pasivitetit te Shoqerise, mbi operacionet e likuidimit dhe mbi kohen e nevojshme per te perfunduar likuidimin.



Me perfundimin e procedurës së likuidimit Asambleja do të vendosë mbi bilancin financiarë perfundimtarë, mbi vlefshmerinë e punës së kryer nga likuiduesi dhe mbi perfundimin e procesit të likuidimit.

Pas pagimit të kreditorëve dhe mbledhjes së kredive, likuidatori/et shpërndajnë në fund pjesën e mbetur të aktiveve ortakëve në proporcion me pjesët e kapitalit të zotëruara prej tyre në kapitalin themeltar.

Neni 28

Riorganizmi i shoqërisë bashkimi-ndarja

Shoqëria mund të ndahet, bashkohet sipas Vendimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 "Për tregtarët dhe shoqëritë tregtare

Neni 29

Zgjidhja e Mosmarrëveshjeve

Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statuti dhe aktit të themelimit, si dhe ato që mund të lindin në përgjithësi midis ortakëve ose ndërmjet një ose më shumë ortakëve të shoqërisë apo midis shoqërisë dhe paleëve të treta, do të zgjidhen në mënyrë miqësore dhe të diskutohen në mënyrë të drejtperdrejte ndërmjet paleëve të interesuara.

Në rast të mosarritjes në një marrëveshje në mënyrë miqësore, palët do t'i drejtohet Gjykatës së Tiranës.

Neni 30

Gjuha

Ky Statut është hartuar në **4(kater) kopje** në gjuhën shqipe, dhe u nënshkrua pa vërejtje nga ortakët themelues.

ORTAKËT

Burhan Yildirim

Burhan

YILDIRIM



Bariş Kuş

Bariş

KUŞ



Perkthyer nga Fabrika Zetco

